



NOVA BRACARAE AVGVSTAE descriptio



Archiepi. insignia



Vrbis munitio

OCCIDENS

SEPTENTRIO

MERICIDIES

ORIENS

Campus Archiepiscopi vbi
ludi equestres exercantur.

Hortorum campus

D. Anne edificula quam columba
32. a praetorius Rom. varijs qua-
dam in locis crectae, licetis que
necesse cognoscit acq. ornate.

Ales tes fluvius cuius
fontes in Spino monte 40^o a
Brac. sup. miliaribus distant, val-
lem amoenissimam vrbis adiacet & irri-
gat multis hortis, pomarijs dividari
isq. excultis. illud mirabile, arboris
nullae ex medicis mali generis creant,
quib. alioquin haec tota provincia a-
bundat. Vrbem alluat, atq. in sua
maioris fame fluuii prope atiqua
oppida vbi Comitibus insitit. hinc
falso quidam Sethen vocant.

a. Seminarium ad instructionem ad normam
Tridentinae Synodi erectum.
b. In hac locum d. Augusti Archiepiscopi
navium sacrorum regimur coronis transferre
In hoc agro quidam Romanorum coemeterium
fuisse creditur. nunc campus vinearum dicitur.
c. Haec via una e quatuor quas
Michonius, Imp. Brac. striae dicitur
e. Horti publici ubi
vernantes.

Via in Vitoracum oppidum s. Petri de
viti ortu christiana. hac via vna e quatuor
quas Anton Imperator Bracarae striae dixerunt.

leperum ac peria
abundantia et lepra.

Sclua pri. matialis

BRACARÆ AUGUSTÆ.

quatuor, quas Ant. Imp. Bracara Asturicam descripsit.

C. Via antiqua Imperatoris Antonini, in aquas calidas, vulgo Oriense.

D. B. Annæ ædicula, quam columnæ XII. à Prætoribus Rom. variis quondam in locis erectæ, literisque incisæ, cingunt atque exornant.

E. Fons amœnissimus in medio luci, quæ & Sylva Primatialis, perdicum ac leporum abundantia celebris.

F. Urbis præsidium.

G. Seminarium Adolescentum, ad normam Tridentini Concilii erectum.

H. In hunc locum Reverendiss. Augustinus Archiepiscopus, novum sacrarum virginum cœnobium transfert.

I. In hoc loco quondam Romanorum cœmeterium fuisse creditur, Nunc, Campus Vineæ dicitur.

K. Hæc via una ex quatuor est, quas Ant. Imp. Brac. Asturicam descripsit.

L. Hic Urbis Arcem Romanorum tempore fuisse fama est.

M. S. Sebastiani ædicula, ubi forum Romanorum fuisse constat.



BRACARÆ

AUGUSTÆ



Bracaræ Portugaliæ, quæ Interamnis, antiquissima civitas à Gallis Celtis, qui ista loca occuparant, tanquam à Gallis Braccatis, qui eam condiderunt, sic appellata. Alii Bracaræ originem ad Carthaginenses auctores referunt, & à Bragadis Bragada (alii tamen aliter appellant) fluvii accolis conditam, & appellatam affirmant. Quæcunque tandem censeatur origine, illud constat, per antiquam urbem, ante Romanos fuisse, ut Augustæ titulo ornaretur, & ab ea, quicunque habitabant inter Durium & Limiam populi, Bracari dicerentur, in quibus debellandis, multos Annos Romani sudarunt. Ausonius Poëta, qui circa tempora D. Hieronymi scripsit, in Catalogo urbium illustrium Bracaram, Emeritam, Cordubam, Tarraconem, quatuor præcipuas Hispaniæ civitates ponit; unde colligimus, usque ad tempora Gothorum, florentissimam fuisse Bracaram, non solum conventu Romanam, sed etiam sede Metropolitana, tantæ authoritatis, ut quum S. Turribus Austriensis Episcopus, jussu B. Leonis Papæ, contra Priscilianistas Synodum totius convocasset Hispaniæ, decreta Concilii, ad Baleoniam Bracarensem miserint Episcopum, tanquam quæ cuperent ipsius auctoritate confirmari.

Hanc Annorum 40. obsidione tandem expugnatam sub sua ditione, annis ferè quingentis Romani tenuere, cui & Augustæ nomen inderunt. Fuit in hac urbe primum Juridicus conventus, unus è septem, citerioris Hispaniæ veteri more institutoque Romano, unde auctore Plinio urbes quatuor & viginti jus petere consueverant. Hinc ab Antonio Pio quinque itinera militaria in varias Hispaniæ partes describuntur. Hanc urbem Ausonius Poëta divitem, atque opibus florentem vocat. Sed & præcis majorum annalibus perscriptum extat, Regum Suevorum antiquam, sedem fuisse Bracaræ Annis 70. supra centum, & sub Gothicis annis 127. floruisse, quam & Alfonsus hujus nominis primus, cognomento Catholicus, Hispanorum Rex primam inter omnes Hispaniæ Metropolitanas urbes, ex Saracenorum tyrannide in pristinam libertatem vindicavit, Anno 740. Hic Regum Portugaliæ primus sator Henricus Comes (Guidonis Comitis Vernohensis & Brionensis filius) Alfonsi Henrici primi Lusitanæ Regis pater, in templo maximo, quod ipse erexerat, sepultus est. Sed longè majus urbi decus è rebus sacris accedit. Nam Christi Opt. maximi fidem com-

plexa est, D. Petro, S. Jacobi Majoris discipulo prædicante, vix post annum decimum, quo idem Dominus subacta morte in cœlum victor ascenderat. Colitigitur Bracara, ut patronum, eundem Petrum martyrem suum primum Archi-præsulem, unà cum tribus aliis suis itidem S. Pastoribus, Martino, Fructuoso, & Gerardo, quibus veluti quatuor columnis Bracensis Ecclesia fulcitur & fulget. Multum sanguinis olim pro Christo effudit, dives octo Sanctorum corporibus, aliisque innumeris reliquiis, ornata templis, nobilitata Patrum Conciliis, decorata sodalitatibus ritè institutis, totius Hispaniæ primum antiquissimò jure sibi vindicavit; qua de re cum Toletana sede vetus ei lis est, cujus meminit Honorius III. in cap. Coram, de integrum restitut. Quæ tamen lis ab ejusdem Pont. Max. tempore ad nostram usque ætatem, act. Tom. est Bracara in ea parte regni Portugaliæ, quæ regio Interamnis dicitur, à duobus, quibus clauditur, fluminibus. Durio & Minio memorabilibus. Est in quinto climate, gradus habens longitudinis 6. latitudinis duos & quadraginta æqualem, distatque ab Oceano leucas quinque. Civitas pleno jure suo Archiepiscopo paret, sive spiritualem jurisdictionem spectes, sive temporalem, multò quondam frequentior nunc incolarum numerat ad duo millia, Fruitur magna cæli, ærisque clementia, insigni agrorum ubertate, & amœnitate quod ei beneficium commune est cum hac tota regione Interamni.

complura de hac urbe scitu digna in Metropoli Bracarensi inveniunt, quam De lucem edere meditamur illustrissimi primatis Augustini auspiciis, cujus etiam jussu auctoritate universam diocesim perlustravimus, & in tabula non omnino negligenter expressimus montes, urbes, fluvios, oppida, parœcias, ædiculas, ac itinera geographica delineantes.

Hæc Gaspar Alvarus Machiadia, Historiographus S. Bracarensis Ecclesiæ.

A. Alectes fluvius, cujus fontes in Spino monte, quatuor à Brac. Aug. miliaribus distant, vallem amœnissimam urbi adjacentem irrigat, multis hortis, pomariis, pratis, viridariisque excoltam. Illud mirabile, arborem nullam ex Medicæ Mali generibus creat, quibus alioqui hæc tota Provincia abundat. Urbem alluit, atque in Avum, majoris famæ fluvium prope antiquum oppidum Villam Comitis influit, hunc & falso quidam Zethen vocant.

B. Via, in Vimarianum oppidum S. Pontificis Damasi ortu clarissimum. Hæc viâ una est ex quatuor,